

BOSNA I HERCEGOVINA
BRČKO DISTRIKT BiH
OSNOVNI SUD BRČKO DISTRIKTA BiH
Broj: 96 o K 099868 16 K
Brčko, 19.12.2016. godine

U IME BRČKO DISTRIKTA BOSNE I HERCEGOVINE

Osnovni sud Brčko distrikt BiH, sudija Velibor Milićević, uz učešće asistenta Stjepanović Katarine u krivičnom predmetu protiv optuženog B. B., zbog produženog krivičnog djela – Izazivanje nacionalne, rasne i vjerske mržnje i nesnošljivosti – iz člana 160. stav 1. u vezi sa članom 55. Krivičnog zakona Brčko distrikta BiH, a po optužnici Tužilaštva Brčko distrikt BiH, broj: T 18 o KT 0010556 16 od 07.10.2016. godine, nakon održanog javnog saslušanja optuženog i prihvatanja izjave o priznanju krivice, u prisutnosti tužioca Tužilaštva Brčko distrikta BiH Ratke Đonlaga, optuženog B. B. i njegovog branioca Selmane Musić, advokata iz Kancelarije za pravnu pomoć Brčko distrikta BiH, donio je i javno objavio dana 19.12.2016. godine,

P R E S U D U

Optuženi: B. B., zv.“B.”, sin Ž. i majke D., rođ. P., rođen ... godine u Visokom, nastanjen u naselju ... Brčko distrikt BiH, Srbin, državljanin BiH, JMBG ..., po zanimanju mašinbravar, neoženjen, pismen, završio SSS, nije služio vojsku, lošeg imovnog stanja, neosuđivan, ne vodi se postupak za drugo krivično djelo,

K R I V J E

Što je:

1. Dana 17.12.2015. godine u Brčkom, na društvenoj mreži „Facebook“ na svom profilu pod nazivom „B. B.“, iako svjestan da time može izazvati nacionalni i vjerski razdor i mržnju među narodima koji žive u Brčko distriktu Bosne i Hercegovine, izvršio objavu sadržaja: „Jebem nanu svakom muslimanu, a turcinu picku materinu“, učinivši takav sadržaj dostupnim neodređenom broju korisnika te društvene mreže,

2. Dana 18.1.2016. godine u Brčkom, na društvenoj mreži „Facebook“ na svom profilu pod nazivom „B. B.“, iako svjestan da time može izazvati nacionalni i vjerski razdor i mržnju među narodima koji žive u Brčko distriktu Bosne i Hercegovine, izvršio objave sadržaja: „kad udare sa manjace vuci ko su srbi upamtice turci,kad udare srbi sa svih strana,nece vise biti muslimana“ i „Iznad Bosne svice sudnja zora,s Turcima ratovati se mora,ratovati a ne suze liti cijela Bosna mora Srpska biti“, učinivši takve sadržaje dostupnim neodređenom broju korisnika te društvene mreže,

3. Dana 13.3.2016. godine u Brčkom, na društvenoj mreži „Facebook“ na svom profilu pod nazivom „B. B.“, iako svjestan da time može izazvati nacionalni i vjerski

razdor i mržnju među narodima koji žive u Brčko distriktu Bosne i Hercegovine, izvršio objavio sadržaja: „Noz zica srebrenica“, učinivši takav sadržaj dostupnim neodređenom broju korisnika te društvene mreže,

4. Dana 11.4.2016. godine u Brčkom, na društvenoj mreži „Facebook“ na svom profilu pod nazivom „B. B.“, iako svjestan da time može izazvati nacionalni i vjerski razdor i mržnju među narodima koji žive u Brčko distriktu Bosne i Hercegovine, objavio fotografiju na kojoj drži zapaljenu zastavu Bosne i Hercegovine uz tekst sadržaja: „Ovako ce ako bog da da gori citava Bosna“, učinivši takav sadržaj dostupnim neodređenom broju korisnika te društvene mreže,

Čime je radnjama pod tačkama 1., 2., 3. i 4. izreke presude počinio produženo krivično djelo – Izazivanje nacionalne, rasne i vjerske mržnje i nesnošljivosti – iz člana 160. stav 1. u vezi sa članom 55. Krivičnog zakona Brčko distrikta BiH, zbog čega ga sud na osnovu navedene zakonske odredbe i primjenom člana 7, 42, 43. i 49. istog Zakona, te člana 230. Zakona o krivičnom postupku Brčko Distrikta BiH,

O S U D U J E

NA KAZNU ZATVORA U TRAJANJU OD 3 (TRI) MJESECA

Na osnovu člana 44 stav 1., 2. i 3. KZ BD BiH sud određuje da se izrečena kazna zatvora zamijeni radom za opšte dobro na slobodi, u trajanju od 45 radnih dana. Određuje se rok od 4 (četiri) mjeseci za izvršenje rada za opšte dobro na slobodi.

U skladu sa odredbom člana 188. stav 4. ZKP Brčko distrikta BiH, optuženi se oslobađa plaćanja troškova postupka, koji tropkovi padaju na teret budžetskih sredstava suda.

O b r a z l o ž e n j e

Tužilaštvo Brčko distrikta BiH, optužnicom broj T18 o KT 0010556 16 od 07.10.2016. godine optužilo je B. B. zbog produženog krivičnog djela – Izazivanje nacionalne, rasne i vjerske mržnje i nesnošljivosti – iz člana 160. stav 1. u vezi sa članom 55. Krivičnog zakona Brčko distrikta BiH.

Optužnica je potvrđena dana 14.10.2016. godine

U toku glavnog pretresa optuženi je priznao krivicu za počinjeno krivično djelo, te je postupak nastavljen na ročištu o prihvatanju izjave o priznavanju krivice.

Na saslušanju o priznavanju krivice optuženom su predloženi dokazi koje je Tužilaštvo prikupilo tokom istrage, pa optuženi nije osporavao dokaze Tužilaštva.

Optuženi je u potpunosti priznao izvršenje počinjenih krivičnih djela na način kako je to navedeno u optužnici, istakao da mu je žao zbog izvršenih krivičnih djela i obećao je sudu da više neće činiti ni ova ni druga krivična djela.

Prije prihvatanja izjave o priznanju krivice, sud je optuženog saslušao na okolnosti iz člana 230. Zakona o krivičnom postupku Brčko distrikt BiH (ZKP BD BiH). Sud je stekao uvjerenje da je do izjave o priznanju krivice došlo dobrovoljno, svjesno i sa razumijevanjem. Optuženi je upoznat o mogućim poslasticama, uključujući mogućnost obaveze naknade štete i plaćanja troškova krivičnog postupka. Optuženi je razumio da se izjavom o priznanju krivice odriče prava na suđenje i da ne može uložiti žalbu na kaznu koja će mu se izreći.

Sud je izvršio uvid u dokumentaciju prikupljenu tokom istrage i to: Akt Policije Brčko distrikta BiH broj 14.05-04.10-48954/16 od 27.07.2016. godine, Službena zabilješka Policije Brčko distrikta BiH broj 14.05-04.10-50000/16 od 29.07.2016. godine, Izvod iz E-mail pošte od 07.07.2016. godine, 3 strane, Službena zabilješka Jedinice krim.policije, Policije Brčko distrikta BiH broj 14.02.5-04.2-45470/16 od 11.07.2016. godine, Izvod sa facebook-stranice na ime B. B. od 07.07.2016. godine, 8 strana, Zapisnik Policije Brčko distrikta BiH o ispitivanju osumnjičenog B. B. od 29.07.2016. godine, Akt Jedinice krim.policije, Policije Brčko distrikta BiH broj 14.02.2-04.2-49722/16-593 od 29.07.2016. godine, Izvod iz kaznene evidencije za osumnjičenog Božić Borislava izdat od strane MUP-a Zenica, PS Visoko broj 08-04/10-1-04-2-11-7146/2016 od 02.08.2016. godine, Rješenje o imenovanju branioca iz Kancelarije za pravnu pomoć Brčko distrikta BiH, izdato od strane Osnovnog suda Brčko distrikta BiH od 29.07.2016. godine.

Na osnovu dostavljenih dokaza Tužilaštva BD BiH i priznanja krivice od strane optuženog, sud je utvrdio da je optuženi počinio navedeno krivično djelo na način, mjestu i u vrijeme kako je to navedeno u optužnici, odnosno prihvatio je krivicu za počinjeno djelo.

Sud smatra da je optuženi prilikom izvršenja predmetnog krivičnog djela bio uračunljiv, jer nije našao okolnosti koje bi dovele u sumnju uračunljivost optuženog u vrijeme izvršenja krivičnog djela, te da je krivično djelo izvršio sa direktnim umišljajem.

Razmatrajući težinu počinjenih krivičnih djela kao i propisane kazne, sud je optuženom izrekao kaznu zatvora u trajanju od 3 /tri/ mjeseca. Izrečenom kaznom u potpunosti će se postići svrha kažnjavanja, kako na planu generalne tako i na planu specijalne prevencije, a u skladu sa članom 42. KZ BD BiH kao i propisane kazne. Naime optuženi je iskreno priznao izvršenje krivičnog djela, korektno se držao pred sudom i ranije nije osuđivan. Sve ovo je sud cijeno u kontekstu odredbe člana 49. KZ BD BiH.

U konkretnom slučaju sud je uz pristanak optuženog u skladu sa članom 44. stav 1. KZ BD BiH istovremeno odredio da se izrečena kazna zamjeni radom za opšte dobro na slobodi. S obzirom na sve okolnosti koje su kao olakšavajuće navedene na strani optuženog sud smatra da izvršenje kazne zatvora ne bi bilo nužno potrebno za ostvarenje svrhe kažnjavanja, a istovremeno uslovna osuda ne bi bila dovoljna za postizanje opšte svrhe krivično pravnih sankcija (ovo se prvenstveno odnosi na generalnu prevenciju). Sud je ocijenio da je u konkretnom slučaju adekvatno odrediti najveći period radnih dana u izvršenju sankcije rada za opšte dobro na slobodi u

trajanju od 45 /četrdesetpet/ radnih dana sa vremenom izvršenja u trajanju od 4 /četiri/ mjeseca.

U skladu sa odredbom člana 188. stav 4. ZKP Brčko distrikta BiH, optuženi se oslobađa plaćanja troškova postupka, koji troškovi padaju na teret budžetskih sredstava suda.

Asistent,
Katarina Stjepanović

Sudija
Milićević Velibor

POUKA O PRAVU NA ŽALBU:

Protiv ove presude nije dozvoljena žalba
jer su se stranke odrekle prava na žalbu.
Presuda pravosnažna sa danom 19.12.2016. godine